

KISII SCHOOL 2025 PREDICTION



(KCSE PRE-ANALYSIS TEST)

102/2



KISWAHILI

KARATASI YA 2

LUGHA

MUDA: SAA 2½

JINA.....

SHULE..... SAHIHI.....

NAMBARI YA USAJILI..... MKONDO.....

Cheti cha Kuhitimu Kisomo cha Sekondari (KCSE)

MAAGIZO

- a) *Andika jina lako na nambari ya mtihani katika nafasi ulizoachiwa hapo juu*
- b) *Tia sahihi yako na kisha uandike tarehe ya mtihani katika nafasi ulizoachiwa hapo juu*
- c) *Jibu maswali yote*
- d) *Majibu yote yaandikwe katika nafasi ulizoachiwa katika kijitabu cha maswali*
- e) *Majibu yote ni lazima yaandikwe kwa lugha ya kiswahili*

KWA MATUMIZI YA MTAHINI PEKEE

SWALI	UPEO	ALAMA
Ufahamu	15	
Ufupisho	15	
Matumizi ya lugha	40	
Isimu jamii	10	
Jumla	80	

UFAHAMU

Soma makala haya ujibu maswali yafuatayo

Utotoni niliamini kwamba kusoma ndiko ufunguo wa kila kitu ulimwenguni kwa jinsi kunavyoonekana kuwatoa watu katika uzuzu, ukata na ugonjwa: na kuweka kwenye maisha bora ya mwangaza wa kujua kusoma na kuandika, utajiri wa kuweza kuvaa hata suti ya vipande vitatu, na kuwa na afya ya kuonekana kwa kitambi. Hizo ni zamani zile ambapo shule ya vidudu haikuwa sharti la mtoto kukubaliwa katika darasa la kwanza. Mtoto angelisha ama kusaidia kwa kazi za nyumbani mpaka kufika umri wa miaka kumi kisha, kufumba na kufumbua, afisa wa serikali angeonekana akishauriana na wazazi wa mtoto. Matokeo yangekua mtoto huyo kuanza safari ndefu ya kila siku, apate asipate chakula.

Mimi kwa upande wangu sikujali maisha pata-nenda shule, kosa-bado-neda-shule. Sikujali kero za baridi kali wala karaha za vua la asubuhi. Kuanzia utotoni *niliwahusudu* wenzangu waliokuwa wakirauka kiasi cha kufikiriwa walilala kwa shati na kaptula zao, au kwa blauzi na skati na kaptula zao. Nilipendezwa na unifomu zao nikatamani na hata kuapa kwamba siku moja nitavaa kama wao na kutembea kwa maringo kama wao. Zaidi nilitamani kufika walikokuwa wakienda na kufanya walivyokuwa wakifanya huko.

Penye nia hapakosi njia. Nia yangu ilidhihirika nilipojiunga na darasa la kwanza. Darasa la kwanza lilinisoma kisogo baada ya siku mbili tu. Nalo la pili likanipungia mkono baada ya juma moja. Miaka mitano baadae nilikutana na kiunzi cha kwanza kwenye mtihani wa kitaifa wa chumba cha saba uliokuwa kifungua mlango wa kuingia kidato cha kwanza.

Baada ya miaka minne nilikutana na mlango funge mwingine nilibisha na ukanifungukia kwa *kutia fora* katika mtihani wa kiwango cha elimu ya pili. Katika miaka miwili iliyofuatia nilijiunga na shule maarufu ya kitaifa siku hizo.

Masomo hayakuendelea kuwa mteremko kwangu kwani uchechefe wa karo na masurufu ulimaanisha kuwa siku nyingi nilikuwa nje ya kuta za darasa letu. Hata hivyo *nilijifunga masombo*. Hatimaye nilifunguliwa mlango wa kuingia ndaki.

Baada ya kuhitimu kwa shahada ya kimsingi ya uzamili, kisha uzamifu au daktari falsafa hatimaye, nilifanywa meneja kufikia leo. Hata nikiwa ukubwani bado nazidi kusoma na kutafiti ili nisiote ukurutu wa akili.

Cheo na madaraka haya ya umeneja yamaanisha kila siku nivae suti kamili na shati nyeupe pe, amabayo shingoni imeambatanishwa na kipande maalumu cha kitambaa kinacholewalewa kifuani. Nijiangaliapo kiooni hujifananisha na mtu ambaye amejitia jitanzi shingoni.

Nina kitambi ambacho labda ni *taashira* ya utajiri. Hata hivyo ingawa mimi si mwenye sauti kubwa kiuchumi, ninaweza kujivunia elimu yangu ilivyoniwezwa kujimudu kidogo maishani. Sasa nina shamba langu mwenyewe, nyumba yangu mwenyewe ambayo imejaa mali yangu mwenyewe. Nina redio yangu mwenyewe, rununu yangu mwenyewe na wanyama wangu mwenyewe.

Lakini mwenzangu ambaye zilimwishia ukingoni katika shule za nasari, hana elimu, pesa wala mahali pa kuzikiwa wakati mpira utakapomwia mwingi.

MASWALI

a) Eleza imani ya mwandishi kuhusu elimu

(alama3)

.....

.....

.....

.....

.....

b) Taja dhiki zilizomkabili mwandishi alipokuwa shuleni

(alama2)

.....

.....

.....

c) Onyesha uhusiano uliopo kati ya elimu, kazi na ukwasi kwa mujibu wa habari hii**(alama3)**

.....

.....

.....

.....

.....

d) Ukirejelea makala haya, fafania msemu, 'elimu ni bahari haina kikomo'

(alama3)

.....

.....

.....

.....

e) Hatima ya wale ambao hawakupata elimu ni ipi?

(alama2)

.....

.....

.....

f) Badala ya maneno yafuatayo mwandishi angetumia msamiati gani? **(alama3)**

i) Nilijifunga masombo

.....

ii) Ndaki

.....

iii) Taashira

.....

UFUPISHO (Alama 15)

Dhuluma kwa wanawake sio matokeo ya sasa baada ya uhuru, bali ni matokeo ya hali iliyokuepo tangu enzi za mababu zetu; kabla ya ukoloni. Kubaguliwa na kudhulumiwa kwa wanawake kiasi kunaoana na kunyonywa kwake kijamii kunakoshuhudiwa siku nenda miaka rudi.

Elimu ya jadi ilimwandaa mwanamke kuwa chombo kitiifu cha mwanamume. Mwanamke aliandaliwa katika unyago na katika mfumo mzima wa malezi kuwa chombo cha kutumikia mwanamume-kumstarehesha, kumfariji, kumlisha na kumzalia watoto. Mwanamke tangu jadi hakuruhusiwa kushiriki katika shughuli za kisiasa na utawala wala hakuna mtu aliyeamini kwamba mwanamke angeweza kushikilia wadhifa wowote wa uongozi.

Demokrasia ya jadi naihusudu sana; ambapo wazee walikaa chini ya mbuyu na kuamua mambo ya jumuiya. Mahakama ya kijiji ilikuwa aghalabu ni ya wazee na wanaume peke yao. Hakukuwa na mwaname aliyeshirikishwa, hata kama alikua ajuza. Sifa waliokua nayo wanawake ni ile ya usihiri na uganga. Mwanamke yeyote aliyezeeka alidhaniwa kuwa bingwa wa uchawi, ulozi na ushirikina. Kwa hivyo, wanawake ndio waliokuwa washirikina wakubwa, maana fursa ya kupata elimu pana zaidi hawakuwa nayo. Si ajabu kuwa mwanamke alipojitokeza na kusema jambo la busara, aliuupza na pengine kutukanwa hadharani.

Kwa bahati nzuri, kumezuka mwamko uliotuingiza katika enzi mpya. Vita vya wanawake vya kujihami na kujiendeleza katika ulimwengu unaotawaliwa na wanaume vimetapakaa kote katika kila sehemu ya dunia. Wanawake wengi wamekiuka misingi na mizizi ya utamduni na kung'oa asasi za kijamii na itikadi ambazo daima zimeendelea kumnyanyasa na kumuumbua utu mwanamke tangu jadi. Watetezi wa haki za wanawake zamani walilaumu suala la serikali za mataifa mwaka hadi mwaka. Huku maswala ya wanawake ya kijamii, uut na utamaduni yakishangiliwa kupitishwa, watetezi wameeleza wasiwasi wao ikiwa kupitishwa kwa maazimio kutasaidia kuleta maendeleo ya haraka kwa wanawake kimataifa au katika nchi moja. Fauka ya hayo, baadhi ya wachunguzi wanaonelea kuwa maazimio mengi hayadokezi hatua za kufikiwa haki za wanawake.

Maazimio mengine yanazungumzia juu ya kuondolewa kwa ubaguzi dhidi ya wanawake, kushiriki kwao katika uendelezaji wa amani ya kimataifa, na ushirikiano wa kimataifa, majukumu yao katika jamii, mfuko wa umoja wa Mataifa wa wanaweka (Unifem) na kuimarisha hadhi ya wanawake katika sekretariati ya Umoja wa Mataifa miongoni mwa shughuli nyingine katika mkabala huu.

Wanawake wameonyesha vipaji vyao katika nyanja mbalimbali za maisha; siasa, uchumi, utawala na kadhalika. Wanawake wamejikakamua na kudhihirisha kuwa wao pia wana jukumu muhimu la kutekeleza ili kuyaongoza maisha yao na ya watu wengi. Wadumishaji wa dhuluma za kijinsia hawana budi kusalimu amri na kuukubali ukweli huu, wapende wasipende. Mtazamo juu ya haki sawa unatokana na kukubaliwa na kuondolewa kwa aina zote za ubaya dhidi ya wanawake wanaojitolea mhanga kutetea hadhi yao pamoja na ya wanyonge wengine. Wao huonekana kama waasi, wapinga mila na watovu wa utii.

MASWALI

a) Bila kubadilisha maana asilia, fupisha aya tatu za kwanza.(Maneno 45-55) (alama6)

Matayarisho

.....

.....

.....

.....

.....

.....

.....

.....

.....

Jibu

.....

.....

.....

.....

.....

.....

.....

.....

.....

b) Kwa kurejelea aya tatu za mwisho, pambanua hoja muhimu zinazoguziwa na mwandishi (Maneno 60-65) (alama9)

Matayarisho

.....

.....

.....

.....

.....

.....

.....

.....

.....

.....

.....

Jibu

.....

.....

.....

.....

.....

.....

.....

.....

.....

.....

.....

MATUMIZI YA LUGHA

a) Andika maneno yenye vitamkwa vya sifa zifuatazo

(alama2)

Kikwamizo sikhuna cha kaakaa gumu, irabu ya nyuma juu, kikwamizo ghuna cha kaakaa laini, irabu ya nyuma juu, kitambaza na irabu ya mbele juu.

.....

.....

.....

ii) Taja sifa zinazonyesha usawa baina ya jozi hizi

/gh/ na /ng’/

.....

.....

/f/ na /v/

.....

.....

b) Andika neno lenye muundo ufuatao wa tamko kamili katika neno

(alama2)

K,KI,KKI

.....

KiK

.....

c) Ainisha mofimu katika neno hili

(alama2)

Kifurahieni

.....

.....

.....

.....

.....

d) Tunga sentensi ukitumia nomino uga (wingi) pamoja na kivumishi cha pekee cha kuisitiza na kielezi cha kiasi **(alama2)**

.....

.....

.....

.....

e) Andika katika hali ya ukubwa **(alama2)**

Wanawake wale wana midomo mikubwa inayotisha

.....

.....

f) Andika sentensi zifuatazo upya kulingana na maagizo **(alama4)**

Mwanafunzi aliadhibiwa kwa kuwa alikosea mwalimu (badilisha maneno yaliyopigwa msitari kuwa nomino)

.....

.....

ii) Mapambano baina ya mwanadamu na mazingira yalizaa fasihi (anza kwa fasihi)

.....

.....

iii) Margret ni mkakamavu. Onyi ni mkakamavu pia. (unganisha iwe sentensi moja yenye kihusishi cha kulinganisha)

.....

.....

iv) Maji ambayo wanakunywa ni hatari (tumia hali ya mazoea bila ‘amba’)

.....

.....

g) Tunga sentensi ukitumia kishazi tegemezi kinachofanya kazi ya kiwakilishi **(alama2)**

.....

.....

h) Andika wingi hali katavu **(alama2)**

Nyanya na babu : Sisi ndisi wakulima

.....

i) Andika sentensi moja kwa wakati uliopita hali endelevu ukitumia kitenzi – P - katika kauli ya kutendana **(alama2)**

.....

.....

j) Tumia kijalizo katika sentensi kama: **(alama2)**

i) kiwakilishi

.....

.....

ii) kielezi

.....

.....

k) Tunga sentensi moja kutofautisha maneno haya: taka na daka **(alama2)**

.....

.....

l) Andika kinyume **(alama2)** Mjomba hakumtwika nyanyake mzigo hivyo akapata laana

.....

.....

m) Onyesha kiima, chagizo na aina za shamirisho **(alama2)**

Mpodozi ambaye alikuja juzi alipaka kucha rangi jana jioni mara kadha wa kadha

.....

.....

.....

n) Eleza matumizi ya ‘KU’ katika sentensi hii **(alama2)**

Alikusaidia kwenda kule wakati hukuwa na uwezo wa kusoma

.....

.....

o) Changanua sentensi hii ukitumia kielelezo cha msitari **(alama2)**

Hasikii la mwadhini wala mtekaji msikitini

.....

.....

.....

.....

.....

.....

p) Bainisha maana mbili zinazojitokeza katika sentensi ifuatayo **(alama2)**

Mwakuona angefuata somo angefaulu

.....

.....

.....

q) Eleza matumizi mawili ya alama ya kibainshi **(alama1)**

.....

.....

.....

r) Tunga mfano mmoja wa sentensi kuzingatia muundo ufuatao (alama2)

$S - (RH + RH + t + N + V)$

.....

.....

s) Neema amekuwa kiduchu toka utotoni lakini mwenye akili nyingi akitazama unaona kama anayezisoma a akili zako (tumia methali mwafaka kuafiki maelezo hayo) (alama1)

.....

.....

t) Jaza pengo (alama2)

i) Mtu ni kwa mja, ukongo ni kwa na kiate ni kwa

ii) Tunapotaka kuomba radhi kabla ya kutamka jambo ambalo linaweza kumuudhi mtu
tunasema ilhali tunapotamka kuonyesha mshtuko au jambo la hatari
tunasema

ISIMU JAMII(alama10)

Jambo Kenya! Nachukua fursa hii kumkaribisha mheshimiwa Profesa Chan kutoka jamhuri ya watu wa Uchina. Kufikia hapo kila kitu ki barabara tunapoendelea kujadiliana kuhusu swala hili la mabadiliko ya hali ya anga ulimwenguni. Suala hili linaendelea kupunguza idadi ya watu duniani. Nawaomba tusimame kuwaheshimu walioondoka.

(anawaashiria wasimame)

Asanteni sana!

a(i) Tambua sajili hii (alama1)

.....

ii) Eleza sifa za sajili uliotaja hapo juu ukizingatia kifungu (alama4)

.....

.....

.....

.....

.....

.....

.....

.....

.....

b) Order! Lazima kutii mpangilio! Katili hauruhusiwi kuongea bila ruhusa. Polisi, mpelekeni nje.

i) Tambua sajili hii

(alama1)

.....

ii) Fafanua sifa zozote nne ambazo zingejitokeza iwapo mazungumzo yangeendelea(alama4)

.....

.....

.....

.....

.....

.....

.....

.....

HUU NDIO UKURASA WA MWISHO KUPIGWA CHAPA!